


PROXECTO ■ Galicia coordinará unha plataforma de entidades doutras seis rexións españolas, francesas e portuguesas

Ingacal e universidades queren xeneralizar a I+D+i nas adegas

Un proxecto transnacional impulsará a introdución da innovación, a transferencia de tecnoloxía e coñecementos nas adegas das cinco denominacións de orixe (D.O.) vitivinícolas de Galicia a través dunha plataforma conformada polo Instituto Galego da Calidade Alimentaria (Ingacal) e as tres universidades representadas pola Fundación Empresa Universidade Galega (Feuga).

O obxectivo de WINETech é potenciar a innovación e a cooperación "estable" entre institucións de sete rexións europeas con comarcas vitícolas tradicionais "e punteiras" nas que o viño "forma parte da cultura e do desenvolvemento socioeconómico", segundo explicou a Europa Press a directora xeral de Innovación e Industrias Agrarias e Forestais, Alejandra Álvarez de Mon.

Ademais, participarán nesta iniciativa, que se desenvolverá ata 2015, entidades da Rioxo, Castela e León, Castela-A Mancha, Alentejo (Portugal), Norte (Portugal) e Languedoc Roussillon (Francia) baixo a coordinación institucional do Ingacal e técnica de Feuga. Precisamente, WINETech é unha iniciativa de



Varios operarios procesan a uva na adega de Terras Gauda, unha das empresas que máis aposta pola I+D+i

riencia piloto promovida desde 2007 por Feuga e o Consello Regulador do D.O. Rías Baixas.

"Todos sabemos como facer un bo viño", sinalou Álvarez de Mon en referencia ás rexións europeas que forman parte do proxecto piloto para xene-

ralizar que a finalidade da plataforma será potenciar a incorporación de tecnoloxía, mecanismos de análises e procesos en función das necesidades de cada adega.

A primeira fase estará centrada na identificación das necesi-

dades das adegas en cada unha das rexións, á vez que se identifican os equipos de investigación vinculados ó ámbito vitícola, así como os seus medios. Segundo explicou a directora xeral, nalgúns casos galegos as accións prioritarias pararán no

reforzo da tecnificación do proceso de elaboración do viño e noutras pola mellora do control da trazabilidade das uvas, a incorporación de novos materiais nos envases ou etilbalaxes ou problemas concretos que afecten á súa produción.

O Ingacal, dependente de Medio Rural, iniciou xa o proceso de presentación do proxecto ós seus destinatarios, empresas do sector inscritas nalgunha das cinco D.O. galegas e membros da comunidade científica galega. WINETech, conta cun orzamento de 1,6 millóns de euros, dos que o 75% será financiado a cargo dos fondos Feder.

A iniciativa é unha das 45 aprobadas na primeira convocatoria do Programa de cooperación territorial do Espazo Suroeste Europeo (Sudoe). Unha vez que se identificaron as necesidades das empresas e as especialidades de cada grupo de investigación, procederase a deseñar o funcionamento da plataforma, a fórmula de traballo en común e a rede de relacións. Os resultados publicaranse en torno a 2015 nunha web e máis nunha revista especializada. WINETech. ■ EUROPA PRESS